

Aldus bede so scieden si
Var na ouer ene langhe wile
Dat men mochte gaen ene wile
Doe spracse tote hem aldus
Vellene vader zosimus
Het recht dat ghi mi benedyt
Bedie dat ghi een priest sijt
Ende hebt bi meenghen iaere
Ghestaen ten heleghe autare

En ghesacreert de lichgame ds heren
Die elc mensce soude eeren
Hie hi dit ghehort heuet
Leghet hi van vruchte en beuet

Ouer danlichte liep he dat swet
Hi wart cont hi wart heet
Et siere herten dat hi suchte

En van wondre lach hi en vruchte
Gheestelike moed hi doe seide
Hic sal v segghen waerheide

Den heelghe gheest hebdi i en niet el
Dat es hier openbare wel
Want ghi mi noer ne saeghe

Ten eersten bi miere name vraegt
En seit dat hic een priest ware
Hier bi so esset openbare

Dat de heleghe gheest in v wont
Ende v al leert dat ghi cont
Gheeft mi de benedictie d onse here

Dies biddic v harde seie
Hoet niet ontgaen ne mochte
Doe seide toe ghod diet algewrohte

Dat nie inde werelt ont sine lijf

Bede man ende wijf
Ende ghedoeghede groete pine
Om onse ediente niet om desine
Ende oec anxene vele groet
Ende an de cruce daer bleef doet
Hi moet ons sine beuedixie gheuen
Ende hier so laten ons leuen
Dat wi moete besitten dat rike
Dar hi sal wonen ewelike

Hi antwoerde ende seide amen
Doe stoeden si op bede te samen
Doe sprac soe ende seide aldus
Vellene vader zosimus

Om wat quamedi te desen wue
Sere besondech van haren lue
He ware ghod die alle dinc kent

Hie weet wel hi heeft v hier ghesent
Dat hie v lien sal mine sonden
Daer hie mede ben ghebonden

Ende ghi dan afflaet
Sult gheuen van miere meldaet
Ay seghe mij oet acht aerderike es

En hoeter in ghescepen es
Kerstinede hoet wert gherecht
Hic biddu dat ghijt mi segt

Ay hoet es metter heleghe kerken
Biscope papen ende clerken
Srauen keisers ende coninghe

Hebben si onderlinghe enech ghedunge
En al waerlec gherechte
Laet het in pause arme knechte

Zosimus hare antworde ghevet